

如阜縣續志

地220.733

38

=4

續志卷七

名宦

才有大小位有階次靖獻鞠躬爲臣子所當自致勸賞  
刑威不辭勞瘁休養生息功在百世前事者後事之師  
允宜式型勿替續名宦

范仕義字廉泉滇人以甲戌進士合臯多善政挑龍遊河  
濬護城河建南閘續修縣志捕蝗收蝻皆悉心經畫爲  
人寬平仁恕與民不擾民德之呼爲佛子及再任臯臯  
民撰楹聯有士民皆慰望父母喜來歸之頌政暇與邑  
人士唱酬若三台山碧霞山諸勝水木清華冠蓋觴詠  
殆無虛日補水繪園修禊湯雨生都督爲之繪圖精射  
如臯縣續志

卷七

名宦傳

工奕尤善擘窠書有歐蘇之遺風焉後知通州著有廉  
泉詩鈔四卷北上留別云匏繫蟻山已十年慚無善政  
計安全各場自笑微才拙輿論難當衆母賢波映綠楊  
搖祖帳風翻紅藥動離筵 帝城雙闕卿雲擁翹首  
龍光尺五天

白聯元字海峯山西人以進士合臯治吏胥極嚴聽訟明  
敏杜絕苞苴時安定書院歲久法敝文風湮鬱歲課一  
次循故事而已公力振刷按月甄別廣名額益膏火士  
一見卽識其姓名暇復延入署從容講藝情意優渥士  
氣大振去之日諸生立棠蔭碑以誌去思至今掇科第  
者多自書院中出公倡之也性嗜吟詠惜多散佚有贈



邑人嚴瀛壽詩云不慕仙方慕義方靈椿丹桂共稱  
趨庭學禮聲名遠閉戶傳經歲月長定有高才依絳帳  
仍推令德荷青箱雉臯從此添佳話羨煞燕山竇十郎  
十年前已慕芳聲又篤賢郎問字情鶚薦連番虛夾袋  
鹿鳴高賦佐稱觥傳家政績南邦頌尊甫香南公任壽  
荆襄有政聲  
世文章北斗名拙宦自憐雙鬢白登堂還擬會耆英  
陳敦誥字聽漁浙江人以舉人署臯事性伉爽明決甫下  
車見訟案山積歎曰民以農爲本今爲訟累無論事曲  
直本務荒矣且吏胥耽耽視正樂有此輩耳糜金錢飽  
私橐何爲乃日理塵牘兩月間共結六百餘案人皆悅  
服循聲卓著惜未久旋調去

如臯縣續志

卷七

名宦傳

二

馬雲鶴字于臯滇人以進士令臯性寬厚訥然有長者風  
時江南用兵楚人歐龍光僞託營員蓄意滋亂公捕治  
之民始安堵論文有歸唐家法甄拔多雋才子汝弼江  
蘇候補同知

李守誠字次生江西人以舉人授六合縣攝臯篆臯民素  
脆弱不任勞苦公爲政務持大體與民休息民有爭訟  
隨時審斷不爲滋蔓檄赴六合時當賊衝勢危甚臯人  
謀留公公不可曰吾畏難不往誰當往者竟驅車去去  
之日士民焚香餞送公亦惓惓不忍別旣蒞任固守數  
年城陷公殉焉蓋公當去臯時已決志矣事聞奉

立祠春秋致祭卹贈知府銜臯人爲位以祭邑人錢士杓作祭

文云嗚乎生留遺愛循良蜚百里之聲死作國殤保障  
重萬夫之時維我次生先生人如佛子邑號神君灑車  
邊之甘雨四野桑麻揚扇底之仁風滿城桃李乃始以  
實授六合而權攝茲邦繼卽罷任如臯而往泣厥邑敵  
壓壘橫城餘斗大臯之人截轆而留攀車而哭慈雲不  
能留久覆之陰圓月不能返將沈之魄然猶謂慷慨運  
籌從容却敵苟其寄干城而有奏功之日亦可捧露布  
而慰銜感之心夫何一介星馳千家雨泣慟讀徵兵之  
檄響逐悲風追思餞別之筵顏愁落月一城血肉飄零  
弓劍之遺滿目山河沈鬱風雲之氣嗚乎痛哉始公大  
智不驚深仁若怯雖侃侃握司牧之權仍恂恂若書生  
之色豈知參天松柏歲寒而節操始彰空谷芝蘭火熱  
而芬芳彌烈寸心不泯先軫之面如生此虜未除卞壺  
之拳猶握嗟嗟襄樊孔棘魂銷葛嶺笙歌巡遠已危血  
染賀蘭杯酒在先生仁至義盡死有餘榮而某等公憤  
私情生同此恨一束奠芻九歌獻曲赤城霞起疑來英  
毅之魂滄海波深不盡軍民之淚哀哉尙饗

上官夔字子峯陝西人以舉人臯性峭刻爲政尙嚴吏  
民畏之時江南賊氛未靖夔分設保衛招集流亡宵小  
斂跡民賴以無恐捐廉爲膏火資士以此多之爲立德  
政碑於書院

李振鬚字義琴安徽舒城人以舉人署臯事下車時卽疏

通市減米價爲人寬厚和平每有訟案不恃術揚  
理論情遣無留獄尤嘉惠士林接見時以勤學立品爲  
訓在任三年士人公立德教碑於書院留別詩云頻年  
鴻爪此淹留瓜代人來值暮秋得失久拚蕉下鹿去來  
略似水中鷗難追往哲徵三異且效前賢賦四休儻遂  
歸心依子舍天倫樂事勝封侯自慚荒落謬論文多士  
如林總不羣幾見鸞凰棲枳棘卽看鵬鷲奮風雲當前  
進步須爭寸以後光陰要惜分從古偉人三不朽一生  
心力祇精勤議蠲議賑歲頻仍行止胥難惕履冰民困  
但期兵不用風醑恰稱吏無能思家苦類焚巢鳥賃廡  
甘爲退院僧獨坐垂簾無一事夜闌還伴讀書燈曾多

如臯縣續志

卷七

名宦傳

四

君子繫離思欲理行裝意轉遲好景探從無事日高情  
見在去官時未能教養慚民母幸有仁賢足我師且借  
一枝聊小任當筵滿罄手中卮邑人多屬和焉

劉承廉字貞臣福建人豐利場大使鹽法久疲玩承廉釐  
剔奸弊濬市河修范隄百廢俱舉性尤慈惠創建保嬰  
局冬時施衣服粥除夕微行貧苦者陰伏助之居官七  
年無疾終民皆感泣列主以祀焉

項黻字杏樵欽人嘉慶辛酉舉人大挑改教職補臯學訓  
導履任後於

聖廟多所整治雅好吟詠與邑令范仕義及臯人士唱酬工六  
書旁及金石尤精鑑賞所獲各書皆手自標題題准

安教授丁母憂復遊臯王講書院服闋任甯國教授旋卒年七十一著有黃山遊草雙蓮花館詩鈔

吳鎧字梅孫儀徵人乙酉舉人王講書院工書善詩與邑令范仕義詩酒唱酬疏爽雋雅立身在仕隱之間一時名士多與之遊

李家彬字濟之秣陵人優附生署教諭王講書院性謙沖好獎予後進立品超卓非公不至有合甫下車以邑中殷富問公不對人益以是重公及卒貧無以斂邑人勸之始歸葬書法規撫褚王間亦出入松雪思白間人多有藏其墨蹟者

